

بنتقابل ..!!

بنتقابل .. وكل حد فينا عامل

دور الراسى والعاقل

ومايبينش بالساهل

شعور عايشه سنين جواه



نخبى ندارى مشاعرنا

ونحسد لو نشوف غيرنا

بيعلن اللى ف ضميرنا

وبنموت ف إحساسنا وهو ف نبضه لسة حياه



محدث فينا كان اشجع من الثانى ولا اتجرأ

يقولها ف يوم ويعلنها

كأن هوانا ذنب وكان سنين منه بنتبرأ

ومن مشاعرنا وسنينها

فضلنا ندارى ونخبى ومش راضيين نبينها



وواخذنا السنين وبنمشي ولا موج الحياة هدى

ومش عارفين طريقنا منين

ونكذب لو قلنا ننسى تحس خلاص مفيش فايده

واحساسنا هنوصل بيه ده بس لفين

هنبقى ف يوم كدة واحد حرام نبقى ف يوم اتنين !!..

